

CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES DA XUNTA DE GALICIA, O CONCELLO DE SANXENXO, A EMPRESA MUNICIPAL TURISMO DE SANXENXO, S.L. E A "UTE XG-626", PARA DAR CONTINUIDADE ÁS MEDIDAS DE FOMENTO DA MOBILIDADE COMO COMPLEMENTO DA PROMOCIÓN TURÍSTICA

Reunidos:

Don Diego Calvo Pouso, conselleiro de Presidencia, Xustiza e Deportes, en nome e representación da dita consellería, segundo designación efectuada polo Decreto 44/2024, do 14 de abril, polo que se nomea aos titulares das consellerías da Xunta de Galicia (publicado no Diario Oficial de Galicia número 73, do 14 de abril de 2024).

Don Telmo Martín González, alcalde do Concello de Sanxenxo, no nome e representación do indicado concello.

Don Telmo Martín González, actuando en nome e representación da empresa municipal TURISMO DE SANXENXO, S.L., con base en Calle Madrid, núm.1, 36960, Sanxenxo, Pontevedra.

Don Raul José López López, provisto de DNI núm. 33.803.327 C, actuando en nome e representación de José Acha García e Hijos, S.L., Transportes La Unión, S.A., Autos Arcade, S.L., Castromil, S.A.U., Empresa Monforte, S.A.U., La Hispano Igualadina, S.L., Autobuses de Pontevedra, S.A., Galega de Autocares Gala, S.L., Vigo-Barcelona, S.A., Unión Temporal de Empresas, Ley 18/1982 (abreviadamente, "UTE XG-626") con CIF U27515469, con base en Calle Cotton de Arriba, núm. 2, Polígono Louzaneta, 27297, Lugo.

As partes recoñécense competencia no concepto no que respectivamente interveñen e con capacidade legal para formalizar este convenio de colaboración, e para ese efecto





EXPOÑEN:

1. O municipio de Sanxenxo constitúe un importante punto de destino turístico dentro do enclave das Rías Baixas na comarca do Salnés, que durante o período estival ve incrementado de forma exponencial o número de habitantes, chegando incluso a quintuplicar a poboación, o que xera un elevado volume de desprazamentos no municipio e localidades limítrofes que propicia incrementos na conxestión do tráfico, demoras, accidentes e problemas ambientais.

As políticas públicas de mobilidade que pretenden a redución no uso do vehículo particular, teñen como premisa esencial a potenciación do transporte público como principal alternativa sostible que satisfaga as necesidades de desprazamento da cidadanía. Asemade, a garantía da mobilidade da poboación dentro dos propios concellos considérase como un elemento de contribución para o crecemento e desenvolvemento da economía local axudando á xeración do emprego e garantindo a sustentabilidade da comunidade.

Nesta liña, constatouse tanto unha necesidade de mobilidade colectiva dentro do concello de Sanxenxo, nas que cómpre reforzar a oferta de servizos que xa presta o actual sistema de transporte públicos de viaxeiros por estrada, como a vantaxe que suporá para a promoción turística deste concello unha mellora no transporte público e, con ela, unha diminución da conxestión viaria.

Así, coa fin de ofertar un transporte público de viaxeiros que conecte diversos puntos do propio concello e, ao mesmo tempo, sirva de ligazón cos servizos de transporte regular de viaxeiros de uso xeral que se veñen prestando na actualidade, o 13 de xuño de 2024, asinouse o Convenio de colaboración entre a Consellería de Presidencia, Xustiza e Deportes da Xunta de Galicia, o Concello de Sanxenxo, a Empresa Municipal de Turismo de Sanxenxo, S.L., e a UTE XG-626, para a implementación de medidas de fomento da mobilidade como complemento da promoción turística.

Neste marco de colaboración, púxose en marcha un novo servizo de transporte público en tempada estival de carácter municipal, dirixido, de forma específica, a atender a afluencia de demanda nos meses de verán e satisfacer as necesidades xeradas pola promoción turística levada a cabo polo concello e a empresa municipal asinantes.



O citado convenio tiña unha vixencia ata o 31 de decembro de 2024.

2. Actualmente, a Consellería de Presidencia, Xustiza e Deportes da Xunta de Galicia, o Concello de Sanxenxo, a Empresa Municipal de Turismo de Sanxenxo, S.L., e a UTE XG-626, prevén renovar a liña de colaboración iniciada en 2024 mediante a formalización dun novo convenio. O obxectivo é continuar coa implementación de medidas de fomento da mobilidade como complemento da promoción turística, garantindo así a continuidade do servizo de transporte público municipal en tempada estival e a súa integración no sistema de transporte público de Galicia.

Este novo convenio manterá todos os servizos establecidos en 2024, agás o da liña XG626042 - *Poligono de Nantes-Sanxenxo-Portonovo*, que se suprime por non ter acadado os obxectivos previstos. Esta decisión baséase no compromiso das partes coa xestión eficiente dos recursos e na necesidade de adaptar a oferta á demanda observada.

3. A Comunidade Autónoma de Galicia é competente en materia de transporte terrestre que se desenvolva integramente dentro do seu territorio, de acordo co establecido no artigo 148.5 da Constitución Española e do artigo 27.8 do Estatuto de Autonomía de Galicia.

O Decreto 49/2024, do 22 de abril, polo que se establece a estrutura orgánica da Xunta de Galicia integra a Dirección Xeral de Mobilidade na estrutura da Consellería de Presidencia, Xustiza e Deportes. Pola súa parte, o Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, atribúe á indicada consellería as competencias na elaboración, a proposta e a execución da política do Goberno galego en materia de mobilidade.

4. O Concello asinante é titular das competencias tanto en materias de transporte público de viaxeiros como na ordenación do tráfico de vehículos e persoas e na protección do medio ambiente, tal e como se establece nos artigos 80 e 81 da Lei 5/1997, do 2 de xullo, de administración local de Galicia, e no artigo 25.2.g) da Lei de bases do réxime local. Igualmente, consonte co artigo 72 da Lei 2/2017, do 8 de febreiro de medidas fiscais, administrativas e de ordenación, respecto dos tráfico do seu ámbito territorial, o concello posúe competencias de planificación, ordenación, coordinación, control,





inspección e sanción dos servizos de transporte público de persoas de ámbito local.

No marco destas competencias, o concello subscribinte pode promover ou participar en calquera momento en actuación interadministrativas de colaboración para a mellora e o fomento do sistema de transporte público, consonte establece o artigo 74.5 da Lei 2/2017, do 8 de febreiro.

5. A entidade TURISMO DE SANXENXO, S.L., é unha entidade de carácter municipal cuxo obxecto social é a planificación e xestión do desenvolvemento turístico do municipio de Sanxenxo.

No marco do seu obxecto social a empresa municipal subscribinte pode promover ou participar en calquera momento en actuación interadministrativas, consonte establece o artigo 47.2 da Lei 40/2015, do 1 de outubro.

6. A UTE XG-626, é a actual concesionaria do servizo de transporte público regular de persoas por estrada de titularidade da Xunta de Galicia XG626, *Sur da Comarca do Salnés e termo municipal de Poio*, concesión que inclúe tráfico no termo municipal definido no concello que subscribe o presente convenio.

7. Consonte co que se establece no apartado 3.6.3.3 e 3.6.3.2 dos pregos de condicións polo que rexe a indicada concesión, prevese a implantación de incremento de servizos por iniciativa de terceiros, e a súa asunción por parte da concesionaria como incremento de servizos pola súa propia iniciativa, incrementos que deberán ser autorizados pola Administración, con expresa referencia aos incrementos que se produzan como consecuencia dos acordos, en forma de convenios, contratos-programa,..., que poidan acordar o adxudicatario e outras Administracións Públicas ou entidades do Sector Público para implantar novos servizos que formen parte do obxecto do contrato por desenvolverse sobre as liñas previstas nel ou na súa inmediata proximidade, como é o caso do novo servizo de transporte público en tempada estival de carácter municipal obxecto do presente convenio.

De conformidade co exposto, é vontade das partes relacionadas no encabezamento proceder á execución desta actuación conxunta que permita dar continuidade a esta medida de fomento da mobilidade sostible e de



mellora do transporte público no ámbito territorial do concello asinante como complemento da súa promoción turística, para o que as partes subscriben o presente convenio con base nas seguintes:

ESTIPULACIÓNS:

Primeira.- Obxecto e ámbito de aplicación

O presente convenio ten por obxecto establecer as bases de colaboración entre as partes asinantes para dar continuidade á implantación dun servizo de transporte público en tempada estival como complemento da promoción turística, coas características recollidas no Anexo I do presente Convenio, e a súa integración no sistema de transporte público de Galicia.

Segunda.- Condicións de prestación dos servizos

Con base no presente convenio, e nos termos da letra b) do apartado 3.6.3.3 do prego de condicións polo que rexe a concesión da que é concesionaria a entidade asinante, impúlsase por parte do concello participante e da empresa municipal a implantación dun servizo de transporte público en tempada estival como complemento da promoción turística que se define no anexo I, no que se concretan os percorridos e expedicións a desenvolver, e cuxa prestación é asumida pola concesionaria nos termos da letra b) do apartado 3.6.3.2 do mesmo prego de condicións.

A empresa municipal, promotora do servizo de conformidade coas condicións establecidas no presente convenio, asume o compromiso de aboar á empresa prestataria do servizo o déficit de explotación do servizo, que se concretará como a diferenza entre os custos de explotación e os ingresos reais percibidos pola súa prestación. O custe de prestación concertado entre a empresa municipal promotora e a empresa concesionaria reflíctese no anexo II.

Pola súa parte, recoñecendo o interese público que concorre no presente caso, a Consellería de Presidencia, Xustiza e Deportes autorizará o convenio de colaboración nos termos previstos no anexo I do presente convenio, e incorporará a súa explotación ao sistema tarifario integrado previsto para o conxunto do sistema de transporte público de Galicia, para o que procederá á reordenación de servizos con base no establecido na cláusula 3.6.4 do





prego de condicións polo que rexe a concesión, e consonte, neste caso, ao que se indica no propio anexo I. Para tal fin, a Administración Autonómica iniciará de oficio o correspondente procedemento de alteración das condicións de explotación do contrato de concesión por iniciativa do concesionario e, por tanto, coa súa expresa conformidade.

Igualmente, a Consellería de Presidencia, Xustiza e Deportes colaborará coas partes asinantes na liquidación e xestión das contraprestacións que se deriven a favor da empresa concesionaria da prestación do servizo, contraprestacións que asume en todo caso e integramente a empresa municipal participante.

Finalmente, o concello asinante comprométese a facilitar e, mesmo, desenvolver accións dirixidas á promoción e difusión do servizo, así como a realizar un seguimento da súa prestación, impulsando no seu ámbito de competencias aquelas accións que, se fose o caso, contribúan a unha mellora na súa prestación e no acceso das persoas usuarias ao servizo.

Terceira.- Sistema tarifario

Ao servizo obxecto do presente convenio resultaralle plenamente de aplicación o sistema de tarifas establecido para o correspondente contrato de concesión e, neste sentido, intégrase no sistema de bonificacións que, en cada momento, teña activo a Xunta de Galicia. Así, liquidaranse os importes correspondentes á política tarifaria que en cada caso sexa aplicable empregándose os criterios de cálculo e reparto entre administracións que, en cada momento, resulten de aplicación.

Os ingresos tarifarios dos servizos consideraranse ingresos a conta realizados a favor da empresa municipal promotora, a expensas da liquidación das contías correspondentes. Os datos de colectas do servizo, e calquera outra información referente a ingresos que puidesen derivarse para a concesionaria da prestación do servizo ou relacionados con este, serán remitidas polo prestatario do servizo a través dos sistemas tecnolóxicos establecidos en cada momento para o contrato de concesión.



Cuarta.- Contía e transferencia das achegas

A totalidade das achegas que corresponde efectuar á empresa municipal asinante por mor da implantación do servizo de transporte público en tempada estival como complemento da promoción turística estímase nas contías que se determinan no anexo III.

Tendo en conta que no relativo aos datos de demanda a devandita previsión estímase en todo caso aproximada, as partes asumen expresamente que o cálculo das correspondentes achegas realizarase finalmente tomando en consideración os datos reais de usuarios.

A empresa municipal promotora dispón do orzamento preciso para o actual exercicio e comprométese a efectuar as correspondentes previsións orzamentarias nos exercicios futuros polo importe que en cada caso corresponda.

A empresa municipal promotora comprométese a efectuar a transferencia á Consellería de Presidencia, Xustiza e Deportes das achegas correspondentes ao período de funcionamento do servizo, dentro dos dez días seguintes posteriores á notificación da liquidación da achega á que fai referencia a cláusula seguinte. Este importe será obxecto de incorporación na aplicación orzamentaria 05.08.512A.470.1 dos orzamentos xerais da Xunta de Galicia ou na que, no seu lugar, lle comunique a Dirección Xeral de Mobilidade. O Concello de Sanxenxo, como titular da entidade TURISMO DE SANXENXO, S.L, garantirá o pagamento dos importes comprometidos pola dita entidade no presente convenio de colaboración.

Asemade, no caso de acordo de prórroga do servizo, a empresa municipal ingresará no mes seguinte a aquel no que a dita prórroga se acordase o importe estimado para o resto da anualidade que naquel momento estea en vigor, e o correspondente á/s anualidade/s seguinte/s no mesmo prazo indicado no apartado anterior.

De non se efectuar a achega correspondentes no prazo fixado, as partes asumen expresamente que a mesma terá a consideración de débeda firme, líquida e exíxible pola Xunta de Galicia, quen poderá reter e compensar o referido importe das cantidades que lle corresponda ao concello como participación no Fondo de Cooperación Local, ou de calquera outro instrumento análogo que puidese complementalo ou substituílo, consonte co legalmente establecido.





Quinta.- Liquidación das achegas

A achega que corresponde efectuar á empresa municipal promotora do servizo establecida de xeito estimativo no anexo III deste convenio, será actualizada segundo o procedemento fixado nesta estipulación.

Nos quince días seguintes á finalización da prestación do servizo, a Dirección Xeral da Xunta de Galicia con competencias en materia de transporte remitirá á empresa municipal asinante a liquidación definitiva, atendendo ás obrigas que efectivamente lle corresponderá aboar consonte cos datos reais de utilización do servizo extraídos do sistema informático no que, en cada momento, se rexistren as viaxes realizadas.

A empresa municipal promotora dispón do orzamento preciso para o actual exercicio e comprométese a efectuar as correspondentes previsións orzamentarias nos exercicios futuros polo importe que en cada caso corresponda, e os reaxustes, actualizacións e liquidacións comunicados pola Dirección Xeral da Xunta de Galicia con competencias en materia de transporte.

As achegas indicadas serán xestionadas pola Dirección Xeral da Xunta de Galicia con competencias en materia de transporte quen aboará o importe das contías correspondentes ao déficit na prestación do servizo á empresa concesionaria.

Sexta.- Comisión de Seguimento

Co obxecto de velar polo cumprimento deste convenio e para o tratamento de posibles discrepancias sobre o seu contido e aplicación constitúese unha comisión de seguimento constituída por dúas persoas designadas pola persoa titular da Dirección Xeral da Xunta de Galicia con competencias en materia de transporte, dúas persoas designadas polo concello asinante, dúas persoas designadas pola empresa municipal intervinente e dúas persoas designadas pola empresa/UTE concesionaria participante.

A presidencia da comisión de seguimento será exercida por unha das persoas designadas pola dirección xeral da Xunta de Galicia con competencias en materia de transporte.



A comisión de seguimento será a encargada do seguimento, interpretación e control do cumprimento deste convenio e asumirá, en particular, as seguintes funcións:

- a) Resolver os problemas que se susciten na interpretación deste convenio.
- b) Garantir o intercambio de información entre as administracións públicas e a empresa municipal participantes.
- c) Acordar modificacións nas condicións de prestación do servizo establecidas nos anexos deste convenio, tales como modificacións de expedicións, calendarios, tempadas, frecuencias, horarios, itinerarios ou paradas, sempre que non supoñan incremento do custo económico derivado da prestación do servizo.
- d) Acordar as sucesivas prórrogas do presente convenio.
- e) Todas aquelas outras funcións que se lle atribúan neste convenio.

Para a validez dos acordos requirirase a presenza de, cando menos, unha persoa en representación de cada unha das partes integrantes da comisión de seguimento, e os ditos acordos serán adoptados por unanimidade dos asistentes. Non obstante o anterior, poderán adoptarse polas Administracións participantes, sen a intervención ou conformidade da concesionaria ou, se fose o caso, da empresa municipal asinante, aqueles acordos que afecten ao exercicio de potestades públicas que lles resulten propias.

A pertenza a esta comisión así como a asistencia ás súas sesións en ningún caso implicarán ningún tipo de retribución nin axudas de custo para as persoas que a integran.

Sétima.- Duración

Este Convenio entrará en vigor o mesmo día da súa sinatura, aínda que despregará eficacia o día en que comecen a prestarse os servizos indicados no Anexo I, e manterá a súa vixencia durante un ano.





Con anterioridade ao período indicado, a comisión de seguimento poderá acordar a súa prórroga por un ou varios períodos sucesivos, ata acadar o máximo de catro anos adicionais.

Os indicados acordos de prórroga deberán ser adoptados como máximo un mes antes do seu vencemento, ou do vencemento da correspondente prórroga, e no mesmo deberán detallarse as liñas de actuación a seguir cara ao novo marco de colaboración.

Oitava.- Modificación do convenio

O presente convenio poderá ser obxecto de modificación por mutuo acordo das partes asinantes, mediante a formalización da correspondente addenda segundo o procedemento legalmente establecido.

Para tal efecto, non terán a consideración de modificación do convenio as modificacións nas condicións de prestación do servizo establecidas nos anexos deste convenio, tales como modificacións de expedicións, calendarios, tempadas, frecuencias, horarios, itinerarios ou paradas, sempre que non supoñan incremento do custo económico derivado da prestación do servizo, que poderán ser acordadas pola Comisión de Seguimento nos termos que se indican na cláusula sexta.

Novena.- Extinción do convenio

O presente convenio extinguirase por algunha das seguintes causas de resolución:

- O transcurso do prazo de vixencia do convenio e, no seu caso, das súas prórrogas.
- O mutuo acordo dos seus asinantes para a súa extinción ou novación, que deberá ser subscrito por escrito e coas mesmas formalidades que as deste convenio.
- O vencemento da concesión do servizo de transporte público regular de persoas por estrada, por calquera causa, da empresa/UTE participante indicado na parte expositiva deste convenio.



- A súa denuncia por calquera dos seus membros, o que requirirá a previa comunicación ás outras partes asinantes non máis tarde do día 30 de xuño do ano anterior a aquel no que se materializará.
- O incumprimento das obrigas e compromisos asumidos por parte dalgunha das partes ou se o servizo non se presta correctamente consonte ao estipulado. Neste caso, calquera das partes poderá notificar á parte que incumpra un requirimento para que cumpra, nun determinado prazo, con indicación das obrigas ou compromisos que se consideran incumpridos. Este requirimento será comunicado á persoa que exerza a presidencia da comisión de seguimento do convenio.

Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá comportar a indemnización dos prexuízos causados, se así se previu.

- Decisión xudicial que declare a nulidade do convenio.

En caso de resolución do convenio, todos os dereitos e obrigas nados con anterioridade á extinción deste serán cumpridos polas partes nos termos que acorden, sen prexuízo da liquidación do convenio, nos termos establecidos na Lei 40/2015, do 1 de outubro, de réxime xurídico do sector público.

Decima.- Réxime xurídico

Este convenio enmárcase no ámbito das relacións interadministrativas previsto no artigo 57 da Lei 7/1985, de 2 de abril, de bases do réxime local, e no título V, artigos 198 e 199, da Lei 5/1997, do 22 de xullo, de administración local de Galicia e no artigo 47.2 da Lei 40/2015, do 1 de outubro, de réxime xurídico do sector público.

Asemade, é de aplicación a previsión do apartado 5 do artigo 74 da Lei 2/2017, do 8 de febreiro, de medidas fiscais, administrativas e de ordenación, que recolle a posibilidade dos concellos de promover ou participar en calquera momento en actuacións interadministrativas de colaboración para a mellora e o fomento do sistema de transporte público de Galicia.





Igualmente, resultarán de aplicación o conxunto de previsións que contén o anexo do PTPG aprobado polo Consello da Xunta de Galicia o 25 de febreiro de 2021 e a súa modificación aprobada polo Consello da Xunta de Galicia o 21 de xullo de 2022.

A este convenio non lle será de aplicación a lexislación sobre contratación das administracións públicas, segundo o disposto no apartado 1 do artigo 6 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, sen prexuízo da súa aplicación supletoria para a resolución de dúbidas e lagoas que se puidesen presentar.

Este convenio rexerese polas súas cláusulas e pola Lei 40/2015, do 1 de outubro, de réxime xurídico do sector público, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno da Xunta de Galicia.

A resolución das posibles cuestións litixiosas que se puidesen suscitar por incumprimento ou interpretación das súas cláusulas resolveranse, en defecto de acordo entre as partes, e dado o carácter administrativo do convenio, pola xurisdición contencioso-administrativa.

Décimo primeira.- Publicidade

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e o resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno e o Decreto 126/2006, do 20 de xullo, polo que se regula o rexistro de convenios da Xunta de Galicia.

Décimo segunda.- Derradeira

A posta en marcha do servizo terá lugar na data que acorde a Comisión de Seguimento.

Xunto coa comunicación da data de implantación do servizo a Dirección Xeral da Xunta de Galicia con competencias en materia de transporte trasladará á empresa municipal promotora unha primeira liquidación estimada do custe



que lle corresponderá realizar a aquel, con base neste convenio, tendo en conta a data na que se estableza que a dita implantación vaia resultar efectiva.

E para que conste, e en proba de conformidade, os comparecentes asinan este convenio na data da sinatura electrónica.

O conselleiro Presidencia, Xustiza e
Deportes

O alcalde do Concello de
Sanxenxo

Diego Calvo Pouso

Telmo Martín González

Pola empresa municipal Turismo de
Sanxenxo, S.L.

Pola empresa

Telmo Martín González

Raul José López López





ANEXO I: CARACTERÍSTICAS DO SERVIZO

Liña Circular Sanxenxo-Portonovo-Lanzada-Sanxenxo

Código de ruta	Nome da ruta	Sentido	Frecuencia semanal	Tipo de días	Tempada anual	Hora de saída	Hora de chegada	Expedición a demanda	Integrada
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	08:00	08:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	09:00	09:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	10:00	10:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	11:00	11:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	12:00	12:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	13:00	13:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	14:00	14:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	15:00	15:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	16:00	16:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	17:00	17:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	18:00	18:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	19:00	19:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	20:00	20:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	21:00	21:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	23:00	23:50	Non	Non
XG62604001	SX: Circular Sanxenxo-Portonovo-Lanzada-Sanxenxo	Ida	Diario	Todos	2Mes_Xullo_Agosto	00:00	00:50	Non	Non



Liña Circular Sanxenxo-Villalonga-Lanzada-Sanxenxo

Código de ruta	Nome da ruta	Sentido	Frecuencia semanal	Tipo de días	Tempada anual	Hora de saída	Hora de chegada	Expedición a demanda	Integrada
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	08:30	09:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	09:30	10:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	10:30	11:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	11:30	12:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	12:30	13:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	13:30	14:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	14:30	15:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	15:30	16:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	16:30	17:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	17:30	18:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	18:30	19:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	19:30	20:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	20:30	21:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	21:30	22:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	23:30	00:20	Non	Non
XG62604101	SX: Circular Sanxenxo-Villalonga-Lanzada-Sanxenxo	Ida	Diario	Todos	2Mes_Xullo_Agosto	00:30	01:20	Non	Non





ANEXO II: CÁLCULO DO CUSTO E ESTIMACIÓN DO DÉFICIT DE EXPLOTACION DO SERVIZO

ESTIMACIÓN DE INGRESOS	
Previsión de viaxeiros	Total
Viaxeiros	29.760,00
Previsión de ingresos	Total
Recadación por viaxeiros	38.999,13 €
TOTAL INGRESOS PREVISTOS	38.999,13 €

ESTIMACIÓN DÉFICIT	
Variable	Total anual
Custo do SIMU ^(*) (a)	103.975,00 €
Ingresos (b)	38.999,13 €
DÉFICIT (c)=(b)-(a) (+IVE)	-64.975,87 €

(*) importe concertado entre o concello promotor e a empresa concesionaria participante



**ANEXO III: IMPORTE DA ACHEGA QUE CORRESPONDE EFECTUAR Á
EMPRESA MUNICIPAL**

EXERCICIO	MESES	IMPORTE TOTAL
Exercicio 1	2	-64.975,87 €
Total		-64.975,87 €

